


Kerwespruch



1999

Worfeller Kerwespruch 1999

**Im August ehr liewe Leit,
beginnt in Worfelle die schenst Zeit
Do leit so'n spezielle Flair in de Luft
Do werd gefeiert unn net geschufft
Erst bei de Feierwehr unn doan im Zelt
Do werd bestellt, bestellt, bestellt**

**„Kerb“ nennt sich des Phenomeen
woans goanze Ort uff de Boa dut stehn
Party mache bis de Watz dut greische
Hier unn doa en neie Kerweborsch eische
Es iss wirrer Kerwezeit im Ort
Unn mer feiern mit eisch de Kerwesport**

**Die letzt Kerb in dem Jahrtausend, schunn fast vorbei
Es Motto wie immer „Weck, Worscht unn Woi“
Drum kummt mit ins Zelt unn seit debei
Zu trinke unn zu esse gibt's allerlei
Singt aus vollem Halse unn seit froh
Woans haast die „Worfeller Kerb iss do“**

**Seit de letzte Kerb sinn wirrer veel scheene Sache geschehe
Woas genau des werd ehr glei sehe
Ich steh hier fast vorm goanze Ort
Unn foang jetzt oah mit moim Raport**

**1)
Ins Kino gehn' mer all goanz gern
Moal woas mit Äktschn moal woas fers Hern
So isses em Worfeller letztens bassiert
Das en soin Wesch hoat ins Helia gefiehrt**

*Awwer zuerst wollt er noch woas trinke gehe
„Boi dene Im Kino muss mer so loang oastehe“
„Gejeriwwer vum Kino iss doch eh Kneip“
„Do mach isch hie unn tränk moal moin Leib“*

*„Wert, es stärkste woas ehr hoabt“
hoat er bestellt unn debei noch gelacht
Bass uff, de Long Island Ice Tea macht disch loahm
„Schwätz net,“ segt er „den kenn isch vun dehoam“
enoi mit dem Zeisch „hui woas eh Mischung“
denkt der Kerl unn griecht soi Erfrischung*

*Eh schee groß Gläsje schnell woars drin
De Film fängt oah, de Kerl muss rinn
Doch vorher holt er sisch schnell im Run
Eh Dutsche schee voll mit Popcorn*

*Im Kino denkt er sisch des iss joa herb
In moim Hern wer isch joa goanz merb
Der Ice-Tea woar doch eh bissje brutal
Unn die Mischung mit dem Popcorn eher fatal*

*„Isch mach jetzt eh Schläfche, dut net ohne mische gehe“
Segt er zu soine Kumpels die en kaum noch verstehe
Voll wie zehe Russe, rund wie'en Ball
Leit er Kino unn hert net emol de Knall*

*Soin Moache randalliert oh woas en Graus
Des Gelterschs woas drin iss, des will raus
Mitte boim Penne wie soll's oanners soi
Kotzt der Watz ins voll besetzte Kino enoi*

*De Platzoawaiser griecht des glei mit
Eilt herbei mit großem Schritt
Segt zu de oannern jetzt isses aus
Nimmt den Watz unn schafft en raus*

*Oan de frische Luft woar er glei wirrer debei
„Woas en los, de Film schunn vorbei?“
Prinz mer soin joa eischentlich net kleinlich
Awwer oan doiner Stell wär mir des peinlich*

Altes Backhaus

Musik Kneipe

Worfelden

*Fer disch Prinz, singe mer unn des iss gewiss
„Unn als emol gesoffe, unn als emol gepisst“*

2)

*Eh Beach-Party in Worfelle, woas eh Event
Do iss fast ess halwe Ort hiegerennt
Denn bei Sangria unn oannere Sache
Dut die Party doppelt so veel Spaß mache*

*Mer locke die Leit, denke sisch die Hoandballeer glei
Wer in Boadesache kimmt hoatt zwaa Getränke Frei
Oaner vun de scheenste denkt sisch, zwaa Humpe
Do loass isch misch bestimmt net Lumpe*

*Kalt woars schunn, awwer fer zwaa Woi
Zwängt sisch de Körner in de Boadeoazuch noi
Die Getränke hoan dem Kerl bestimmt gepaßt
Fer die oannern Leit woars en heide Spaß*

*En fast nakische Körner steht do im Sond
Der hoat sisch gefiehl wie in Mallorca am Strond
Getoankt, bis soi Zäppche dut streike
Um sisch uff nächtliche Temperaturen vor zu bereite*

*Um so später die Stund, um so blauer soi Lippe
Mitte in de Noacht hoat der Kerl stahlharte Nippel
Doch de Körner der denkt net oans Penne
Der war moal Kerweborsch der iss hart im nemme*

*Unn fer disch Körner singe mer rat emol
Genau „Bei uns oam Moa“*

HOTZ TONSTUDIO

Torsten Hotz
[Geschäftsführer]

An der Trift 5
64572 Büttelborn

Tel.: 06152/83785

Mobile: 0177/ [REDACTED]

7686159

the music factory



BESCHALLUNGSTECHNIK-
VERTRIEBS GmbH

64521 GROSS-GERAU
WASSERWEG 9

TEL. 06152/39615
FAX 06152/4558

PDM

Licht- & Tontechnik

Verleih & Verkauf

Leihgaben an- & Verkauf, Bearbeitung
Nebensachen, Musik, Platten
Kassette, Veranstaltung



Aktipatne

3)

*Dienstoachs im Café unn des iss koan Sch...
Trinke die Fraue zu halwe Preis
Do Hoan sisch zwaa Worfeller goanz verdutzt
Gedonke gemoacht wie mer so woas ausnutzt*

*Mit Reck, BH's unn Strumpfband sinn se
Ins Cafe'gerennt umm veel zu trinke
Fast wie zwaa Schotte hoan se ausgeseje
Hoan sisch gar uffreizend uff die Bonk geleje*

*Nur um zu saufe zum halwe Preis
Mache die Kerl fast jeden Sch...
Die Leit hoan gelacht aus vollem Mund
Denn bald woarn die Kerlscher Kuchelrund*

*Dumm soin se nett die soin uff Zack
Denn Hütche kost 1,50 stat 3 Mark
Klaus unn Ingo, fer Getränke scheint ihr alles zu erleide
Wenn's mer vun eisch gäb, wär de Claudius bald pleite*


*Eh Bild woar des, reif fer's Buch der Rekorde
Fer so eh Aktion gebührt eisch en Orde
Mit so'em Outfit heißt ehr absofort Lotte
Isch bin goanz ehrlich mer fehle die Worte*

*Unn das es eisch net longweilisch werd, unn nur des zählt
Singe mer jetzt „Wer soll das bezahlen, wer hat das bestellt“*

*Isch muß jetzt erst moal koarz pausier'n
Weil moin Kehlkopp dut randalier'n
Deshalb ruf isch und des muß soi
Moin Beivadder mirrem kiehle Woi*

Prost!

*Unn jetzt geht's weiter goanz sallopp
Mit unserm kloane Kerweraport*



Willi Schmidt



Bäckerei – Lebensmittel
Täglich frische Backwaren

64572 Worfelden · Unterdorf 14
Telefon 06152 / 2450

EDUSCHO-DEPOT

Bau- u. Möbelschreinerei



NEUMANN



- Fenster und Haustüren mit RAL-Gütezeichen
- Rolläden
- Möbelbau
- Innenausbau
- Bestattungen

Werkstatt: Neustr. 17
Büro : Lahnstr. 2
64572 Büttelborn-Worfelden

Tel: 0 61 52 / 70 08
Fax 0 61 52 / 90 93 63
Mobil 01 71 / 5 47 43 95

DER HOLZWURM

Holzbau - Gerüstbau

Oberwiesenweg 23
64572 Büttelborn - Worfelden
Tel. 0 61 52 / 43 91 · Mobil 0177/5615639



4)

*Eh Odysee de oannern Art
Bassiert ab unn zu bei de Audofahrt
Doan en Umweg gefoahrn zu hoan
End meistens im große Zorn*

*In Belgien woarn unser zwaa
Unn wollde vun do aus noach Haag
Also ins Audo noi gehippt
Vorher noch emol schnell getippt*

*„So zwaa, dreihunnert Kilometer misstes soi“
„Auf guck moal in die Stroaßekaad enoi“
Also kame se zu dem Entschluss
Iwwer Lichtstoa geht's wie im Schuss*

*Das die zwaa dolle in ehm Woahn
Fasst sechshunnert Kilometer gefoahrn
Hoan se beide erst später gerafft
Unn woarn doan schunn goanz schee baff*

*Tja Mirjam unn Gregor so koans geh'n
Woan mer die Stroaßekaad net dut versteh'n
Werd er direkt noach Haag gefoahrn
Woard er drei Stunne frieher dehoam*

*Awwer schwamm driwwer ännern kennt er's net
Sunst wär joa aach unsern Spruch net komplett
Denn oans ehr leiwe Leeit des iss gewiss
Es fehlt woas woann die Mirjam net drin iss*

*Drum singe mer fer eisch mit vollem Elan
Wie koans oanners soi „Ein weißer Schwan“*

5)

*Wer in Urlaub flieht, ehr wisst woas isch moan
Der will oam liebste goar net meeh Hoam
Doch irgendwoann iss aach de schenste Urlaub vorbei
Unn mer packt sich unn soi Sache in de Fliecher enoi*

**Oam Fluchhaafe lässt mer sich besser, des iss gewiss
Oabholle, sonst hoat mer doppelt so veel Streß
Doann woann mer noach em Urlaub selber foahrn muß
Verderbt's oam die Laune unn mer griecht Frust**

**So sollte eh paar Worfeller ehr Leit empfoange
Unn soin Schnurstracks oan de Airport gegoange
„Hoabt ehr eisch aach die Fluchnummer gemerkt“
„Ja, foahr weider, du machst misch goanz merb“**

**Uff'm Airport oahkumme, glei in de Törminell
„Beeilt eisch eh bissje, hopp, schnell, schnell
„Die waade uff uns, mit eh'm Gepäck“
„Woann mer net do soin, griehe die en Schreck“**

**„Do soin mer rischdisch, do misste se stehe“
Awwer vun de Urlauer woar net veel zu sehe
„Veeleicht hoat die Maschine aach Verspätung“
„Isch glab isch guck misch moal eh bissje um“**

**„Uff dere Oahzeisch, do steht de Fluch aach net druff“
„Isch glab, isch grieh groad eh bissje Muffe“
Also soin se oan en Infoschalter gerennt
Um sich zu versichern, das der Fluch aach kimmt**

**Die Person oam Schalter kennt sich mit so woas aus
Unn such erst emol die Fluchnummer eraus
Doann segt se „Es dut mer schrecklich leid“
„Der Fluch kimmt goarnet heit“**

**„Isch glab misch trifft glei de Schloach“
„Mer soin zwar doa, awwer oam falsche Doach“
Ehr liewe Leit so woas bassiert, doch letztlich
Soin se geloand, unn Irre iss menschlich**

**Unn weil sowoas kimmt moanchmoal vor
Singe mer „De Watz leit hinner'm Dor“**


biga
r e n t

Baumaschinen

- Vermietung
- Verkauf
- Service 24 Stunden

Neu- u. Gebrauchtmaschinen
Auch Außendienst

Ruwerstraße 8, 64572 Büttelborn-Worfelden
Tel. & Fax: 0 61 52 - 27 50
Mobil 01 72/6 85 90 93



FAHRSCHULE

UWE SAUSEN

64572 Büttelborn-Worfelden
Georg-Klink-Str. 14
Tel.: 0 61 52 / 3 98 57
oder 01 71 / 4 77 87 14

Dart - Bistro BeBob

Pfarrgasse 3 - 64572 Büttelborn / OT Worfelden - Tel. 06152 / 83912
Öffnungszeiten: Montag - Freitag 17.00 - 1.00 Uhr, Samstag 15.00 - 1.00 Uhr
Sonntag 18.00 - 23.00 Uhr

Rustikales Dart - Bistro mit 4 E - Dart's und 2 Hardbord Scheiben
in gemütlicher Atmosphäre

Unsere 6 Darttafeln (1 x D&B + 5 x Freie Liga) sind gerne zu Freundschaftsspielen bereit. Bitte bei Interesse an unseren Wirt "Miche" wenden.

Ab sofort ist unser
"Biergarten" geöffnet!

Alle aktuellen Fernseh- und Sportübertragungen Live bei uns.
Wir veranstalten regelmäßig attraktive Dartturniere!

Jeden Dienstag Frauentag	Jeden Donnerstag Hütchentag
Jede Frau bekommt ihre Getränke zum halben Preis!	Spiri Hut DM 2,50 Whisky Hut DM 3,50 Feigling / Pflümchen 2cl DM 2,00 Erdbeer Limes 4cl DM 2,50

Wir freuen uns auf euren Besuch
 Dieses Lokal ist V-F-S Mitglied!

**Ehr lieve Leit oh woas en Graus
Fer desjohr iss de Spruch schunn wirrer aus
Isch hoff aach trotz moi blede Gelalle
Hoat de Spruch eisch gut gefalle**

**De Spielmoanszuch, der spelt jetzt uff
Isch holl erst emol eh bissje Luft
Doan hier vor alle Leit so veel Lese misse
Hoat misch doan doch eh bissje zerrisse**

**Im Zelt iss heit Owend noch eh Disco-Partie
Isch hoff do kummt ehr aach all hie
Un feiert mit uns noch eh schee lustisch Kerb
Isch waas es genau ehr seit noch net merb**

**Doch vorher singt ehr all die ehr hier seit
aus vollem Munde
„Die Worfeller Kerb iss do“ In dieser frohen Runde**